

OMUKWETU

Registered at the General Post Office as a Newspaper

10c



Omusitagongo Stefanus Mvula. Ehokololo tala kep. 2

ELUNDULUKO LOVANASHILONGA

Etambulo lovalongwa vape mofikola youfita mEngela neudo, ola eta po elunduluko linene menangeko lovanashilonga mu

Elok, unene mokati kovaevangeliste.

Omudiakoni Paulus Isak, ou a kala ta longo kOtjiwarongo okwa tameka ofikola youfita mEngela nophonhele yaye opa nangekwa omudiakoni Likius Neumbo womEndola.

Omweevangeliste Johannes Mvula, ou a kala ta yakula ovalumenhu mOmbaye (Walvisbaai) naye yo patokolo lEpangelongeleka ota tameke ofikola youfita mEngela.

Ponhele yaye opa nangekwa omuyevangeliste Paulus Shidinge womeongalo Ongenga. Osho yo omweevangeliste Simon Namunje-kwa ou a longa mokati kovalumenhu mOkahandja naWindhoek, okwe ya okutameka ofikola youfita mEngela.

Omweevangeliste Sakaria Nashongo kOshivanda (Grootfontein) naye okwe ya kofikola youfita kEngela, nophonhele yaye opa nangekwa omweevangeliste Simon Hamutenja a dja kOmalinda (Mariental). Ponhele yaHamutenja opa nangekwa Timoteus Hangala, omweevangeliste womEndola. Hamutenja owomOngeleka ya ELK noyo ye mu tuma kOshivanda.

Simon Shiwagala, ou a kala mokweenda ta shikula oilonga yomalutenda okukonga ovalumenhu nevangelisi, okwa ifanwa ko yo kEpangelongeleka a hovele ofikola youfita.

Omweevangeliste Gottlieb Manye, ou a kala komina yaMachless, popepi naWindhoek, oye aeke mokwaalukila keumbo, Epangelongeleka ole mu nangeka meongalo Olukonda.

Omweevangeliste gwaagundjuka (omutumwa lyaNkurenkuru, okwe ya a tameka wo uusita gwaagundjuka) ihonao mepyatumo Peha lye opwa langekwa Jerobeam Siyiwo gwomegongalo Rupara.

IIHUNA YA THIKAMA

Ethimbo lyetu olyo lyomakutsi taga pulakene iihuna iinene mbyoko tayi ehameke omwenyo. Uudhigu wethimbo ndika owo uunene mboka tau tula aana yaKalunga oyendji momalimbililo.

Iihuna yikungulu yomvula mbyoka tayi faalele oomwenyo nomaliko gawo, oya ningwa momahala ogendji muuyuni wethimbo lyetu.

Iihuna yoondjala oko yi li muAfrika nomuAsia. Iihuna yiita nomadhipagathano, mbika kayi li kokule natse. Iihuna yekakamo lyevi ngaashi mbyoka yaGuatemala oyohelahela. Iihuna yomavu gomalega na galwe ohayi holoka mpaka naampeyaka.

Opu na iihuna mbyoka yi shi okukandulwa po kaantu omolwashoka oya etwa wo kaantu, ihe omolwokwiihola nokwiihanepeka, aantu otaa nyengwa oku yi kutha po.

Oku na mbyoka yopantsitwe moka oondunge dhomuntu itadhi vulu okuninga sha. Moka omuntu ti igandja ashike komuthindako gwayo.

Kalunga ngoka e tu tula methimbo ndika, edhina lye nali simanekwe nehala lye li gwanithwe.

Enyakwa lya ya manga ko C D M

Omusitagongalo Stefanus Mvula, Oniipa, okwa tumwa manga kEpangelongeleka kOlange, opo a ka yakule ko omusitagongalo tate Simson Ndatipo uule woomwedhi dhimwe.

Tate Mvula kwa tseyika nawa omolwiimpwiyu oyindji mbyoka a kala i inekelelwa kOngeleka yetu.

Sho a yapulilwa oshilonga shuusitagongalo 1959, okwa tuminwa kOntananga. Konima yoomwedhi mbali, ongeleka oye mu tumu ishewe kOshaanda (Grootfontein) pamwe negumbo lye, opo a ka yakule aamati yetu pambepe mboka taya longo kondhalate.

Ehangano lyokugandja iilonga kAwambo pethimbo ndiyaka, Swanla (South West African Native Labour Association) inali pitika tate Mvula a kale omuuvithi, okuninga ta gwaniha tango ootundi adhihe dhiilonga yoholomende.

Enyakwa lyaKristus inali shuna omutse molukwe. Okwa longithwa mokutoloka nokulonga wo moombelewa. Mokuzimbuka miilonga ina fudha, okwa uvitha evangeli mokati kaaniilonga ooyakwawo, oshilonga shoka e shi endela.

Konima yomwedhi gumwe aanegumbo lye oya shunithwa kOwambo, omolwehala aniwa lyaapo. Iikungulu ayihe mbika inayi mu teya omukumo.


Okwa longo nuudhiginini sigo ya monathana naanegumbo lye konima yoomwedhi hetatu.

Pethimbo lyelelo lyaatonateli oshitayi shOndonga; Efraim Angula, Timoteus Shipanga, naFestus Ashipala, tate Mvula okwa kala aluhe omupeha. Nopethimbo ekwawo okwa li a hogololwa a kale omupehawilikingeleka ayihe.

Ye mwene ota hokolola kutya: Ota hambelele Kalunga molwaasho a monene ompito ya tya ngaaka miikandjo oyindji.

'Ondi ilongo mo oshindji noonkndo,' osho a ti:

Egongalo lyaNiipa lya thigilwa manga miikaha yomutonatelishitayingeleka a tale nkene tali yakulwa.



Efano lyoshituthi shuukongindjila mOwambo, ehokololo otali monika kep. 4.

ONGELEKA OTAYI HEDHA KAAHEPEKWA

Mu S.A. oshigongi shaasita yOngeleka yaKatolika kaRoma, osha nyola ehokololo lyopambelewa moka ya holola euvitopamwe lyaowo naayehe mboka ye li momahepeko mevi ndika. Ehokololo ndika olya landula ekwawo lya nyolelwe kaasita yOngeleka ndjoka yomuNamibia.

Oshigongi shiilyo 50 ya za mOngeleka ayihe yaKatolika mu S.Afrika nomuNamibia osha ti:

Itatu vulu okutsakanitha eyakulo lyetu ngele itatu kwathathana naantu. Evangeli lyaKristus otali tu thiminike tu yakule omuntu kehe, unene mboka ye li monkalo yomahepeko.

Oshigongi osha gongalele muHammanskraal pokati kaJanuali numvo.

ESIKU LYAMARIA OMUKIINTU NGUKA MARIA OLYE NOGWAPENI.

Maria oye yina yOmuwa Jesus. Okwa za moshilando shaNasaret muGalilea. Luk.1:26. Aakuluntu yaMaria inaa tseyika oyo oolye. Otatu tseya ashike kutya oye omunezimo gwaElisabeth, yina yaJohannes Omushashi. Elisabeth oye omukadhona omuna gwomusita Aron. Maria okwa za ano mezimo lyomusita. Otashi vulika wo kutya okwa za mezimo lyaDavid ngashi Josef.

Manga omukadhona Maria, a yalekwa komumati Josef, okwa pewa elaka komuyengeli Gabriel kutya oye ta ka ninga yina yaMessias.

Maria sho kwa vala okamati muBetlehem, Josef okwa yi ontuku kuEgipiti pamwe na yina nokanona. Josef okwa tila Herodes ngoka okwa dhipagitha uunona. Konima yeso lyaHerodes, Josef okwa shuna kuNasaret. Josef naMaria oya mono aanona aamati yane, Jakob, Josef, Simon naJuda, naakadhona yatatu. Mat.13:55-56.

Maria naJosef oya fala Jesus kuJerusalem koshituthi, Jesus sho kwa gwanitha oomvula 12. Konima itatu hokololelwa we sha sha Josef. Otashi vulika Maria okwa ningi omuselekadhi.

Moshituthi shohango yaKaanana, Maria opo a li nosho wo oye a li a pumbwa Jesus pamwe naamati ye manga Jesus okwa uvithile aantu. Opo tatu tsakanene pomushigakano. Oye okwa gandjwa kuJesus meke lyaJohannes opo a silwe oshimpwiyu kuye.

Omuwa Jesus sho a londo a yi megulu, Maria okwa kala mongundu yegalikano pamwe naalongwa, sigo Ombepo Ondjapuki ya tili-lwa mokati kaantu.

Ongeleka yetu otayi dhana esiku lyaMaria. Okudhana esiku ndyoka okwa tameke mongeleka yaAakatolika manga omusamane Luther inaa valwa. Esiku ndika tali tu dhimbulutha nkene omuyengeli Gabriel okwa tseyithile Maria ehalo lyaKalunga, evalo lyaMessias.

Epangelongeleka lya ELOK olyu utha kutya esiku lyaMaria olyo esiku lyaakiintu. Aakiintu yomomagongalo naa ninge oshituthi mesiku tuu ndyoka nokudhimbulukwa meme Maria. Natu dhimbulukweni wo oshipalanyolo shOngeleka shomunvo nguka, shoka sha li sha gwanithwa mukukalamwenyo kwaMaria: Tate, ehalo lyoye nali gwanithwe.

TU HAMBELELELENI EHALO LYAKALUNGA SHO LYA GWANITHWA!

OKUGWANITHA EHALO LYAKALUNGA TAKU ETELE OMUNTU NOSHIGWANA OLWINDJI OLUHODHI.

Omukadhona Maria okwa lalekwa nuuyamba. Oye okwa hogololwa kuKalunga a ni-

nge yina yaMessias, omukwaniilwa ngoka a li a tegelelwa mokati kaAajuda ethimbo ele. Omuyengeli gwaKalunga okwe mu tseyithile oshinima shika.

Maria okwi ifupipike koshipala shOmuwa nokwa zimine momwenyo gwe ehalo lyaKalunga.

NANDO mokati kaashiinda, oye okwa talwa nayi. Ohoni oya li yi thike peni okukala me-tegelelo manga omukadhona. Okwa zimine ehalo ndika.

NANDO okwa tila okukanitha omumati gwe Josef. pamikalo dhAajuda.

NANDO a li e na okufutila Josef iimaliwa oyindji, nege Josef te mu etha.

NANDO "egongamwele otali ulula omutima gwe" Okamati ke taka yakula aantu ayehe ha Maria awike megumbo. Natango okamati otaka aalelwa komushigakano ka fa omukolokoshi, omuterolela.

Naampaka wo, omuntu gwaKalunga ota zimine ehalo lyaKalunga nando edhigu kuye.

OKUGWANITHA EHALO LYAKALUNGA TAKU ETELE WO OMUNTU NOSHIGWANA ENYANYU ENENE LYEHAMBELELO:

Omukadhona Maria okwa monathana nakuume ngoka ineehe mu dhina, aawe, ihe okwe mu koleke meitalo. Aakiintu mbaka yaali, Maria naElisabeth, oitaali mbaka oya tala iningwanima iinene yaKalunga.

Maria okwa udhithwa nOmbepo yEhambello nokwa imbi ondjimbo tayi tseyika ngashingeyi nuuyuni auhe moongeleka dhaakriste. Okanona nokuli oka nuka kenyanu.

Omuntu gwaKalunga ota hambelele, ehalo lyaKalunga sho lya gwanithwa, oshoka oye ti itaala eenditho lyaKalunga muuyuni muka.

Raili Seppälä

ETUNGO LYONGULU YOMUWA

Olyo tuu ethimbo, lye mu opalela, mu kale momagumbo geni gadhikika, go opalekwa, manga ongulu yOmuwa tayi kala onkumukila? Hagg. 1:4.

Pethimbo ndika epulo ndika mOwambo wo otali yamukulwa koyendji: Aakuluntu nuunona oyu uvite, kutya inashi ya opalela okukala momagumbo gomafilitsa, manga ongulu yaKalunga kawo ya fa eputu.

Etungo lyongeleka yegongalo lyaShigambo, oyi li nookuli mofondamende tayi tungwa. Egongalo lyaShigambo otali ipula novelise yomomuprofeti Haggai.

Ano ngashingeyi Omuwa Sebaot osho ta ti: Ipulathaneni naomwenyo dheni nkene tamu kala. "

Pastor Salomo Elago

Otandi ya wilike ngele taa ende nokugalikana.

Etumbulo ndyoka oyo lya li oshipalanyolo shoshituthihambelesha shaakongindjilakadhona yomOwambo sho ya gwanitha omimvo omulongo.

Oshituthi osha li sha ningilwa mOshatotwa (egu.mbo lyaakongindjila aakadhona) muuzilo woshipangelo shaNandjokwe eti 21-22 Febuluali 1976 mewilikö lyameme Raija Salmi.

Konyala aakongindjila 800 oya li ya gongalele moshituthi shawo, ya za momagongalo ogendji gomOwambo. Ookuume kaakongindjila naatalelipo yokatalekonawa oya kala ya tya tuu nye, moshituthi shoka, taa tala owa-

la yo taa pulakene iiningwanima yoshituthi. Aayenda ya simana omo wo ya li ya za kule nopopepi. Omumbisofi dr. Auala Leonard ngoka a ningi elongelokalunga lyoshituthi pamwe naakwathi ye aasitagongalo Matti Seppälä naSet Son Shivute.

Omwa li wo efolo Mead Hussey omukuluntu gwaakongindjilakadhona kuPretoria nayamwe ya za kOvenduka nomuTsumeb, ye na sha newiliko lyehangano ndyoka miilongo yawo. Omuyevangeliste gwOngeleka Efraim Angula oye a fala omadhiladhilo gaantu moshituthi oku uva ko omayambeko ngoka haga zilile cmuntu mokwiinekela Kalunga nomegalikano pashipalanyolo shoshituthi Jer. 31:9.



Awiliki yaakongindjilakadhona moshituthi shegwaniho lyomimvo omulongo dhehangano ndika mOwambo ye li momukweyo. Komeho lela efolo Hussey na meme Katrina Auala. E-tanga lyaakongindjilakadhona, otali tengenekwa ngashingeyi lwo-po 1000.

OMAONGALO AVALI INAA TULWA MOKALINDELI

Nelixupipiko linene, ohandi dimbulukifa Epangelongeleka la fimana omaongalo avali Edundja nOkalongo kutya inaa tulwa mokalindelili kOngeleka kumwe novafita vavo. Oshima eshi okwa li ngo nde shi tala sha fa shinini, ndele eshi nda shakeneke koma-pulo taa holola omalimbililo, onda ehena ne kEpangelongeleka opo nalo li ehene kOshinyanyangido shetu sha fimana opo shi pukulule nawa oshinima osho. Ondi shishi osha ningwa molwomadimbwo. Otashi dulu okupukululwa pamukalo ou tashi dulu, nande o-mOmukwetu.

Omupashukili
F. Shikomba

YAALI YA TUMWA KONDHOLONGO

Dha za kep. 7

Viktor Nkandi ngoka a ti nokutya okwa kuthilwe kaapolosi pe gumbo lye muSepetemba 1975, okwa ti kohofa, kutya ye ke shi shi omolwalye e na okugandja uumbangi.

Okwa ti natango kutya pethimbo lyokukwatwa kwe mOwambo, okwa dhengwa sigo a ngambuka. Okwa kalithwa omasiku gane usiku nomutenya inaa tula omposi meho.

Okwa ti ishewe mohofa nokutya ehokololo ndyoka e li gandjele kaapolosi pethimbo lyokukwatwa kwe, kalya li lyoshili, oshoka okwe li ningile owala a magululwe.

Axel Johannes, naye okwa holola a kala mondholongo omasiku 200, ihe ina lombwelwa etompelo lye-yono lye. Okwa ti wo kutya okwa ningilwa omahepeko ogendji. Naye wo okwa geelwa kohofa noomwedhi 12 mondholongo.

OMUKIINTU NONGELEKA

Aakintu yaali mOngeleka ya Metodi mu-Suid-Afrika oya hongololelwa oshilonga sheyakulo mOngeleka. Okwa tiwa olwo lwotango sha ningwa mongeleka ndjika.

Etwikilo

Lungama uha lumbakane novanhu inava yu-kila ko. Omunhu oha monikila mwaava ha ende navo. Ino hopaenena omunhu keshe, efiku limwe komesho ono ka valulilwa meenghima ove u ninge ngoo omunawii.

Etumhakanifo eli ola holoka nawa layela mehepu leyoka oNgaluti neyoka Namhoko. Omukeenatimba Ngaluti, ova shakena fiku limwe nomunaudio Namhoko.

"Kaume," Ongaluti ya pula Namhoko. "Alikana oto dulu okulombwela nge kutya omolwashike ovanhu ve yeke nge nohava tila nge? Alushe ohandi lipweda handi di mondjila yovanhu, ame ihandi komona nande umwe, nokolutu nghimwii nande ngeno, ndele ovanhu ove yeke nge nai.

"Kandi shii kutya omolwashike ovanhu veliholola kutya voo ovatondi vange vanene. Ovanhu ova tokola okushingila nge oita. Inava hala nande okuuda ombili yetu navo. Osha yahameka nge unene, nondi udite omupya."

"O, ame ohandi dulu oku ku lombwela noupu kutya omolwashike pe li ngaha," Namhoko osho a nyamukula. "U wete ko, ovanhu inave tu tongola, kave shii olye Namhoko nolye Ngaluti, osheshi otwe lifa unene.

"Onghee nee ngenge omunhu e ku mono, oha kala e shii, aame a mona. Ame fye nomunhu otu na alushe oita.

"Ndele nee ngeno aame ove, mumwameme Ngaluti, ngeno itandi lipula noudjuu nande kanini noshinima eshi, osheshi pamukalo ou eyoo lange loudiyo naave otali ku amene yo. Hano etumhakanifo eli, oli lile po elao loye."

"O, hamba." Ongaluti ya nyamukula, "Otashi dulika shi kale ngaho, ndele ame eyoka enambili, nohandi lifimanekela alushe edina lange liwa. Ndele oshike tashi ningwa po? Ovanhu ove wete okukala kwange kwa faafana nokwoye, osheshi ehalodipao loye, ohave li fekelele nge po. Nepata lange alishe oli li moshiponga.

"Ame omukeehenatimba, ondi na okuhumbata enyono loye, nomolwoye efiku keshe ondi li moshiponga shokudipawa. Ai, ngeno oshi dulike ndihee ku fe vali ngeno ohandi mono etimhaumbwile lokukalamwenyo kwange kwomikalo diwa."

Osha yela vali nawa apa kaume, omunhu ou na okutala nawa kutya okulye to kufa eenghedi omikalo nomaukwatya opanghalelo. Eyeletumbulo ola twa eli tali ti:

"Oto fimanekelwa ou ho ende naye."

Oulunde waava ho ende navo luhapu oto kwafele moku u humbata, nomekwatafano loye, nooHailonga Nakupwe noovakwao, luhapu oto ka mona omhunde tai pundike okukala kwoye, oyo ito ka dula vali oku i likufa fiyo alushe.

"Kaume kombudi naye ombudi."

Taku twikilwa

Omuntu ano omushike sho we mu dhimbulukwa nomuna gwomuntu sho to mu dhiladhila. Owe mu pumbitha owala kashona e vuli-the puKalunga Eps, 8:5.

OMUMBISOFI OMULUUDHE

Opulanda yombelewa onene yOngeleka yaKatolika kaRoma okulangeka aambisofi Aaluudhe mpoka sha pumbiwa, otayi endeke ko mpaka naampeyaka. Omasiku ga zi ko, Eduardo Andre Muaca (51), okwa zimininwa kombelewa ndjoka okuninga omumbisofi omukuluntu (archbishop) muLuanda.

Muaca, okwa pingena omumbisofi Omuputu, Manuel Nunes Gabriel, ngoka a laleke manga moshilonga.

Pashifo shOngeleka yaKatolika shomu S.Afrika, The Southern Cross, osha hokolola kutya onkalo yOngeleka yaKatolika muAngola, otayi pewa omausama ogendji molwekwata-thano lyayo lyoshito nepangelo lyaKaputu.

Ihe osha ti wo kutya nando oshi li ngaaka, aantu onkene ngaa taa simaneke Ongeleka noye yi tala naanaa, kutya oshinima shi na okukala po mokati kawo.

Ongeleka yaKatolika oyi na iitayingeleka 12 muAngola. Ihamano yomuyo otayi lelwa kAaluudhe. Aapilisteli 129 naaikaleli 180, osho oshifo shoka sha holola.

Ounona otava udifwa ko nga- helipi Oshilongatumo

Etwikilo

Omwene Jesus omukulunhu woshilongatumo mokukala kwaye mounyuni, okwa longekida ovahongwa vaye, va ninge ovatumwa vaye, ava tava twala elaka lexupifo akushe. Ova-hongwa vaJesus moshilongatumo shavo, ova longa noupenda nande ove li meefina diha-pu..

Ova hepekwa nova tulwa meedolongo. Vaha-pu ova dipawa nokuli.

Hepaulula paxupi ovahongwa vaJesus nghee va hepekwa, ndele nande onghaha, ohole okuhola ovashitwa vakwao noku va halela exupifo, okwe va twa omukumo, va longe nouidiini, opo va wanife oshipango shetumo. (Lesho Mat.28:18-20) Longifa okaalita okuu-lika ovahongwa vaJesus apa va longa.

Ava va itavelifwa kovahongwa vaJesus, ova ka udifila yo vakwao. Osho ngaha oshilonga-tumo sha enda tashi tambulafanwa, fiyo sha fika koilongo oku kwe tu dile ovatumwa. (Ulika oilonga mokaalita: Ovatumwa: Ovasoo-mi, Ovandowishi, Ovaingilisha) nosho tuu. Ulika yo oilongo imwe mokaalita oyo ya dja ovatumwa ve uya kuAfrika, noilongo omo va longa. Fatulula natango elalakano loshilonga-tumo.

Oshilangatumo osha hovela ngahelipi moilongo oyo ye tu tumina ovatumwa? Hepaululila onunona, kutya ovanhu vomoilongo oyo eshi va tambula oukriste, ova kundana kutya oku na ovashitwa vahapu, ovo inava shiiva nata-ngo Omushiti wavo, Kalunga kashili. Ohava

indile oikalunga. Inava shiiva ekulilo, kave na eteelelo lexupifo.

Ovakriste vashili vomoilongo oyo ova kwatwa kexwamo linene okuwanifa oshipango shaJe-sus shaxuguninwa, oshipango shetumo, oku-halela ovashitwa vakwao exupifo. Ova dimbu-lukwa kutya, eitavelo lihe na oilonga ola fya. (Jak. 2:14-18).

Ovaitaveli ova hovela nee okukundafana eshi ve na okuninga po. Ova tokola okwoongela oimaliwa. Ova hovela okuumba ongalo, ova-kulunhu nounona, oipuna neehepele. Ounona ova umba mo ousende yavo. Omwene Jesus okwa hokwa ongalo yavo, shaashi oya u-mbwa nomwenyo oushe. (Mark.12:41-44.

Oimaliwa ei oyo nee ya longifwa mokutuma ovatumwa, opo va twale elaka lexupifo, va likolele Omwene Jesus eemwenyo. Eimbilo: "Okuya kOmwene wandje", ile "Jesus ndi ke mu tsakaneke ngiini".

Ondi wete shi li nawa ngenge omunhu ke-she ta hoolola ye mwene ehanganotumo eli ta hepaululile onunona. Oto dulu okuhoolola Ehanganotumo lOvasoomi, ngaashi la longa mOwambo nOkavango. Ehanganotumo lova-ndowishi (Rynse Sending), ngaashi la longa mOushimba, osho yo mOukwanyama, omo haku tiwa mOputu paife. Ile u kufe Etumo lAngilika eli la tunga Odibo.

Ulikila onunona mokaalita oshilongo omu mu na ehanganu eli to va hepaululile. Ulikila onunona pokaalita olweendo lovatumwa votete. Hepaululila onunona paxupi okuuya kwovatu-mwa votete vehanganu olo moshilongo shetu.

Taku twikilwa

Ava ova lotokele onghwo

Omufimanekwa,

Ohandi indile apa opo u nyolelenge nokuyandja olupandu kovamwameme oyo va loto-ka onghwo yepongo. Onda li nda mona oshiponga shomundilo muDesember 1975 pexuli-lo, eumbo lange la pya po. Onduda yokutuvikila eliko lange alishe, oya pya po filufilu Onda xupa po ashike noshikutu shokolutu tii.

Ava ovo nee va tondoka onghwo va pange oikutu nda djala paife eshi. Onghee nda hala oku va pandula koshipala shaKalunga.

Sesilia	Ndadi	Johannes	Sheehama
Johanna	Mbwena	Aune	Ngeno
Olivia	Ngeno	Linea	Ngeno
Taimi	Ndevahoma	Nahas	Ndevahoma
Maria	Ndevahoma	Maria	Nditya
Matride	Nghijoonanye	Herta	Shijandja
Nghitiuasha	Naholo	Petrus	Ndadi
Aron	Shinana	Wilhelem	Nashivela
Victoria	Shikongo	Abraham	Halueendo
Maria	Nahas	Vilho	Shijandja

Vakwetu ovaholike muJesus Kristus, Jesus ota ti:

Eshi mwe shi ningila ovo va dinwa, ame mwe shi ningila.

Kalunga na punike oyo yeni mwe i xupifa po.

Tangi unene kwaashishe mwe shi ninga.

Ester Hamuniela
Omundaunailo

Epangulo Iyaakiintu yatatu naalumentu yatatu, ayehe aaluudhe muSwakopmund, olya mwe-
na po manga uule womasiku 14. Oompangu odha tamekele 16 Febuluali mohofa yopomba-
nda moshilando shoka nuumvo.

Aatamanekwa oyo aapangi; Rauna Nambinga, Naemi Nambowa naAnna Nghihondjwa pamwe
naalumentu Aron Mushimba, Andreas Nangolo na Hendrik Shikongo. Ondjo taye yi tamane-
kelwa oyi na sha noveta yuuterolesa nedhipago Iyomukwaniilwa Filemon Elifas 16 Augu-
ste 1975 (Tala OMUKWETU No 22-23/1975).

Miihokolola mohofa oombangi odhindji odha
holokele mo nokugandja omahokololo gadho.

Hahende yepangulo J. Jansen, okwa lombwe-
le omupanguli J.J. Strydom mohofa nokutya
nakusa Elifas okwa umbwa lwomulongo na-
hetatu nondjembo yomashina yaRussia. Ooholo
mbali dha kwata kolutu nodhe mu dhipaga.

Ehokololo Iyomundohotola gwaShakati G.H.D'
Alton mohofa okwa ti kutya ooholo adhihe
dhe mu yaha odha ziilila konima yanakusa,
(a pilamena ko). Oholo yimwe oya kwata
iitayanathigo nonkwawo omepepe lyokolulyo.

Omukwaniilwa Immanuel Elifas omumwayina
gwanakusa ye ehokololo Iye mohofa olya ti
kutya, oye ya pamwe na nakusa ongulohi
ndjoka positola yomakende yaThomas Filippus
Nangombe. Sho ya adha ya pata, mwene
gwayo a ka lala, omumwayina (nakusa) okwe
mu indile e ke mu pendule.

Positola sho pwa patululwa kokakadhona
Annatjie, nakusa nomukwaniilwa Immanuel
naalumentu yaali Martin na Ananias, oya yi
meni lyostola.

Konima yokathimbo, ombangi Immanuel o-
kwa ti: Hendrik Shikongo (gumwe gwaapa-
ngulwa) okwe ya mo wo mostola, a nika
ombili. Okwa gandja iimaliwa komulandithi
opo nakusa a landelwe mo aniwa okakende
kowisky.

Nakusa okwa pula Shikongo kutya omolwa-
shike uuna lumwe e mu fundila omavi no-
shihauto she.

Omukwaniilwa Immanuel okwa pulwa mpaka
kohahende yepangelo Jansen, ngele pethimbo
ndyoka opwa li wo aantu yalwe. Eyamukulo,
ka kwa li nando.

Ehokololo olya tsikile kutya Hendrik Shikongo
okwa piti mo mositola, ye nomukwaniilwa
nakusa okwa piti mo wo a ka kuutumbe
pondje.

Ombangi oya ti, okonima yokathimbo otu
uvu oondjembo tadhi popi, tse notwi iwata
po. Konima oondjembo sho dha mwena, otwa
piti mo notwa adha omukwaniilwa a lala, a
yahwa. Ina sa ihe ita vulu okupopya.

Mwene gwostola (Thomas) okwa kutha oshi-
hauto nokwa ka lombwela aapolisi yopopepi
mboka ye endebele ye mu fale moshipangelo
ihe okwa hulitha oondjenda manga inaaya
thika.

Momapulo gokanaku, gahahende omupopili
gwaanandjo dr. W.E. Cooper, omukwaniilwa
Immanuel, okwa tindi kutya siku ndyoka oya
li ya nwa unene. Ye ka li ta vulu okuyalula
omaumbo goondjembo, oshoka opwa li tapu
endelelwa.

Omusamane Sam Shivute (30) sho a gandja
uumbangi we mohofa, okwa ti kutya okwa
uva Hendrik Shikongo ta ti okwa helula aa-
lumentu yaali Aaswapo, kaye shiwiki popepi
nehala mpoka pwa dhipagelwa omukwaniilwa.

Konima okwe mu uvu ishewe (Shikongo) ta
lombwele Ruben kutya odhoshili, omukwanii-
lwa okwa sa, noku shi (Shikongo) nkene she
ende.

Ehokololo IyaShivute, omupopili gwaatamane-
kwa Cooper, ine li zimina alihe ngashi li li.
Shivute ogumwe gwaawiliki yaSwapo, ihe ina
zimina mohofa kutya Shikongo oshilyo sha-
swapo.

Ovakwaita vavali mohofa

**Ovakwaita vavali va S.Afrika, Her-
man Styler Scholt naDavid Michael
Stratford, ova holokele omafiku aa
koshipala shomupanguli F. H. Baden-
horst mohofa ya Wenduka, eshi kwa
hokololwa kutya ova wayela meumbo
lomukulupe omufitaongalo Paulus Nai-
lenge, (88) mOngenga mOukwanyama
omo kwa li tava hetekele okukwata
omukulukadi waye Rachel (75) kee-
nghono. Nopatitatu okunyona eliko
leumbo.**

Omushamane Nailenge, pamwe nameekulu
Rachel, navo yo ova li mohofa okuhokolola
oixuna ei ye va hangele.

Oshinima osha holoka eti 27 Anguste 1975
eshi ovakwaita ava ve lityela meumbo oufi-
ku nokuholola oiponga yokolutu noyokomwe-
nyo kovakulupe.


Omufitaongalo Abisai Shejvali ou te liho-
ngo paife muAmerika, okwa hangika a nyo-
lela oministeii yotete ya S.A. ombilive omo
a indila ku konakonwe paveta oshiponga o-
sho.

Omufita Shejvali, omutekulu wovakulupe,
mombilive okwa ti kutya, ovatekuli vaye ovo
va yahamekwa palutu nokomwenyo nova fi-
fwa ohoni ngaha, nava ulikilwe paveta ku-
tya navo yo ova amenwa koveta.

YAALI YA TUMWA KONDHOLONGO

Aalumentu yaali Viktor Nkandi na Axel Johannes,
ayehe iilyo yaSwapo oya pewa egeelo lyoomwedhi
12 mondholongo komupanguli J.J Strydom sho inaa
hala okugandja uumbangi molwiihoko lola yedhipa-
go Iyomukwaniilwa Filemon Elifas mbyoka tayi ni-
ngwa ngashingeyi muSwakopmund.

Tala kep. 4



A MANA OONDJENDA

Kuku Johanna Nangoma, yina yomusita-gongalo Titus Ngula, Oshitayi, okwa hulitha oondjenda dhe kombanda yevi 23/2 /1976 moshipangelo shEtumo mOnandjokwe.

Omusi Johanna gwomimvo 81, okwa thigi po oyana yatatu, aatekulu 27 naatekululwa 16.

Walde N. Nghidiilwa, Tsumeb, ota nyola ngeyi:

Kovaleshi vOmukwetu nokovakriste aveshe mumemenqeleka nomomaonaalo aeshe omOwambokavango, ohandi mu kundu neku-ndo lOmudo Mupe. Mwa fika mo, mwa fika mo?

Omwene na hambelwe omolwonahenda yaye inene, ye emu pe eenahono momudo ou. A tonatife omesho eni okutala oshilonaa shaye shevanaeli.

Ovamwameme, inatu dimbweni omailikano, osheshi efimbo lonena olomailikano. Kalunaa ota kwafa ou ta indile.

Luk.11:9-11, 1Petr.3:12.

ONDJALULAMASIKU 1976YA HOLOKA ISHEWE MOSITCLA YOMAMBO ONIIPA.

OMAGONGALO NAAKRISTE MBOKA MWA HUPILE KO, OTATU MU HIYA MU YE MU YI ILANDELE MANGA INAA-YI PWA PO ISHEWE.

OMUKULUPE KWAAYEHE

Riode Janeiro: Omusamane Boroten de Sonha (167), ngoka taku tengenekwa kutya omukuluntu kwaayehe muuyuni, okwa sile mu Altamira muubangalantu waBrazilia moshilandopangelo shaPara.

Efaneko lyiilonga yomuwiliki-ngeleka

Efaneko lyokulonga kwomupehawilikingeleka momagongalo 1976, tate Kleopas Dumeni, olya landulathanithwa ngeyi nosha kolekwa wo kEpangelongeleka.

1. *Nkurenkuru naRupala* 24-25.1. 1976.
2. *Eunda* 30.1-1.2.
Aayakuli: Omutonateli, Josaphat Shanghala, Hendrik Dengeinge naMatti Seppälä.
3. *Onangalo* 13-15.2.
Aayakuli: Omutonateli, Elia Niinkoti, Festus Ashipala naTimoteus Shipanga.
4. *Ontananga* 20-22.2.
Aayakuli: Omutonateli, Matias Nghipandulwa naHiskia Hlaufiku.
5. *Olukonda* 27-29.2.
Aayakuli: Omutonateli, Tomas Shindongo na Apollos Kaulinge.
6. *Eenhana* 12-14.3.
Aayakuli: Omupashukili, Ismael Nhinda, Titus Ngula naToivo Pentikainen.
7. *Omundaungilo* 26-28.3.
Aayakuli: Omupashukili, Josia Mufeti, T. Pentikainen naEfraim Angula.

Elandulathano ndika olya tungwa ashike omolwoomwedhi dhopetameko manga.

OSHIHAUTO TASHI LANDITHWA PO

Kongalasho mOniipa, otaku landithwa oshihauto LANDROVER shomodela 1970 shoosilinder 6. Oshihauto shi li nawa lela, tashi pula ashike R1.800. E-ndelega manga kuyele u shi imonene.

OMUKWETU

Oye oshifo shOngeleka onkwaevangeli paLuther yomOwambokavango. Ohashi nyanyangidhwa mOniipa. Omukuluntu gwoshifo omumbisofi dr. Leonard Auula.
Amushanga Rev. Sebulon Ekandjo

Ondando yoshifo komumvo muSuidwes nomu-Afrika alihe R 2.00 kombanda yomafuta R 4.00.

Ondando nomambesitelo naga tumwe kOmukwetu Oniipa: P/B. 2013, Ondangwa.

Omatseyitho agehe gomuntu mwene ohaga futiwa kumwene.

OWAMBOKAVANGO CHURCH PRESS
PRIVATE BAG 2013. ONDANGWA S. W. A.
9270